

Raz	Glava	Potrjed	Ekon. kod	Sub-analitika	Funkcija	OPIS	Iznos u KM
						Sa razdjela	
19	01	0001	19010001			Ministarstvo finansija Kantona Sarajevo	
						Sa ekonomskog koda (Izvor 10)	
19	01	0001	19010001	6163	017	Kamata na domaće pozajmljivanje	44.000
						Na razdjel	
11	01	0001	11010001			Kabinet premijera Kantona Sarajevo	
						Na ekonomski kod (Izvor 10)	
11	01	0001	11010001	6141	011	Teući transferi drugim nivoima vlasti i fondovima	4.000
11	01	0001	11010001	6143	BAN037 011	Teući transferi neprofitnim organizacijama	40.000

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-41568-23/24  
12. septembra 2024. godine  
Sarajevo

Po ovlaštenju premijera  
Ministrica  
Darja Softić Kadenić, s. r.

## Ministarstvo za rad, socijalnu politiku, raseljena lica i izbjeglice Kantona Sarajevo

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 168. stav (2) Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst, 38/16, 44/17, 28/18, 52/21 i 40/22), a u vezi sa članom 32. Zakona o materijalnoj podršci porodicama s djecom u Federaciji Bosne i Hercegovine ("Službene novine Federacije BiH", br. 52/22 i 58/24), ministrica za rad, socijalnu politiku, raseljena lica i izbjeglice Kantona Sarajevo donosi

### PRAVILNIK O OBILJEŽAVANJU "DJEČIJE NEDJELJE" U KANTONU SARAJEVO

#### Član 1 (Predmet)

Ovim pravilnikom uređuje se realizacija obilježavanja "Dječije nedjelje" u Kantonu Sarajevo (u daljem tekstu: "Dječija nedjelja"), donošenje odluke o obilježavanju "Dječije nedjelje", raspisivanje i objava javnog poziva za obilježavanje "Dječije nedjelje" (u daljem tekstu: javni poziv), korisnici budžetskih sredstava, kriteriji za ocjenu prijava, imenovanje i zadaci Komisije, donošenje odluke o dodjeli budžetskih sredstava, izjavljivanje prigovora, raspodjela budžetskih sredstava sa razdjela Ministarstva za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo), donošenje programa obilježavanja "Dječije nedjelje", te druga pitanja od značaja za obilježavanje "Dječije nedjelje".

#### Član 2.

(Realizacija "Dječije nedjelje")

- U skladu sa članom 32. Zakona o materijalnoj podršci porodicama s djecom u Federaciji Bosne i Hercegovine ("Službene novine Federacije BiH", br. 52/22 i 58/24), "Dječija nedjelja" se uvodi radi podsticanja i organizovanja raznovrsnih kulturno - obrazovnih, rekreativnih i drugih manifestacija posvećenih promovisanju Konvencije o pravima djeteta i preduzimanja drugih mjera i akcija za unapređenje razvoja brige o djeci i direktne podrške djeci radi njihovog efikasnijeg vaspitanja, obrazovanja i inkluzije, kao i podrške djeci koja izlaze iz sistema javne brige.
- Manifestacije i mjere iz stava (1) ovoga člana utvrđuju se programom koji donosi ministrica za rad, socijalnu

politiku, raseljena lica i izbjeglice Kantona Sarajevo (u daljem tekstu: ministrica).

#### Član 3.

(Odluka o obilježavanju "Dječije nedjelje")

- U svrhu obilježavanja "Dječije nedjelje" ministrica po objavljivanju Programa obilježavanja "Dječije nedjelje" u Federaciji Bosne i Hercegovine donosi Odluku o obilježavanju "Dječije nedjelje" (u daljem tekstu: Odluka).
- Odlukom se preciznije uređuje obilježavanje "Dječije nedjelje", termin održavanja, sadržaj i slogan "Dječije nedjelje", raspisivanje i sadržaj javnog poziva, pravo učešća po javnom pozivu, kriteriji za ocjenu prijava, donošenje programa obilježavanja "Dječije nedjelje" u Kantonu Sarajevo, kao i iznos finansijskih sredstava za budžetsku godinu koja su planirana za realizaciju "Dječije nedjelje", te druga pitanja značajna za provođenje javnog poziva i realizaciju "Dječije nedjelje".

#### Član 4.

(Javni poziv)

- Na osnovu Odluke, ministrica raspisuje javni poziv koji se objavljuje na web stranici Ministarstva i u jednim dnevnim novinama koje se distribuiraju na području Bosne i Hercegovine.
- Sadržaj javnog poziva i dokumentacija uz javni poziv utvrđuju se Odlukom.

#### Član 5.

(Pravo učešća na javnom pozivu)

Na javni poziv mogu se prijaviti fizička i pravna lica čije su prijave, programske aktivnosti i djelatnost usmjerene na unapređenje razvoja brige o djeci i direktne podrške djeci radi njihovog efikasnijeg vaspitanja, obrazovanja i inkluzije, kao i podrške djeci koja izlaze iz sistema javne brige, a koji ispunjavaju kriterije utvrđene Odlukom, i tekstom javnog poziva Ministarstva.

#### Član 6.

(Kriteriji za ocjenu dostavljenih prijava i potrebna dokumentacija)

Kriteriji za ocjenu dostavljenih prijava, kao i potrebna dokumentacija za prijavu na javni poziv će se propisati Odlukom, koja se donosi svake godine u skladu sa važećim zakonskim i podzakonskim propisima koji uređuju ovu oblast.

#### Član 7.

(Imenovanje Komisije)

- Ministrica imenuje komisiju za provođenje javnog poziva za obilježavanje "Dječije nedjelje" (u daljem tekstu: Komisija) donošenjem rješenja o imenovanju Komisije, koja se sastoji od pet članova.
- Rješenjem o imenovanju Komisije se preciziraju:
  - pravni osnov za imenovanje Komisije,
  - sastav Komisije (predsjednik i članovi),
  - zadaci predsjednika, članova i sekretara kao administrativno-tehničkog lica,
  - način izvještavanja o radu Komisije,
  - odgovornost predsjednika i članova,
  - odredbe koje se tiču sukoba interesa sa opisom postupka utvrđivanja postojanja sukoba interesa,
  - potpisivanje izjave o nepristrasnosti, povjerljivosti i nepostojanju sukoba interesa,
  - rok imenovanja.

- (3) Ministrica u Komisiju imenuje lica koja posjeduju neophodna znanja i iskustva povezana sa programskim aktivnostima.
- (4) Bliže odredbe o načinu rada Komisije utvrđuju se Poslovníkom o radu, koji Komisija donosi na prvom sastanku.

## Član 8.

## (Zadaci Komisije)

- (1) Nakon isteka roka za prijavu, Komisija evidentira sve prijave zaprimljene putem protokola, vrši otvaranje koverata sa prijavama, te provjerava ispunjavaju li opće kriterije propisane Odlukom i tekstem javnog poziva.
- (2) Komisija će u roku određenom rješenjem, obaviti slijedeće poslove:
  - a) donijeti poslovnik o radu,
  - b) razmotriti da li je prijava dostavljena na aktuelni javni poziv i u blagovremenom roku,
  - c) utvrditi da li je lokacija provođenja programske aktivnosti ili prijave prihvatljiva,
  - d) ocijeniti sve prijave i programske aktivnosti koji ispunjavaju uslove (kriterije učešća) prema utvrđenom tekstu javnog poziva i/ili specifičnim kriterijima i/ili uslovima ostvarivanja prava propisanim odgovarajućim zakonima i podzakonskim aktima,
  - e) detaljnim pregledom svake prijave utvrditi one koje ispunjavaju propisane uslove, kao i one koje ne ispunjavaju propisane uslove,
  - f) sačiniti prijedlog liste aplikanata koji ispunjavaju uslove i kriterije navedene javnim pozivom, te istu dostaviti ministrici radi donošenja odluke o dodjeli budžetskih sredstava,
  - g) sačiniti prijedlog liste onih aplikanata čije prijave nisu prihvaćene, sa obrazloženjem i istu dostaviti ministrici,
  - h) dostaviti pisane obavijesti aplikantima sa liste iz tačke g) stava (2) ovog člana sa navođenjem razloga zbog čega prijave nisu prihvaćene,
  - i) na osnovu liste iz tačke f) stava (2) ovog člana dati prijedlog za odobravanje budžetskih sredstava i izraditi prijedlog odluke o dodjeli budžetskih sredstava;
  - j) sačiniti zapisnike i izvještaj o radu, te iste dostaviti ministrici.

## Član 9.

## (Odluka o dodjeli budžetskih sredstava)

Na prijedlog Komisije, ministrica donosi pojedinačne odluke o dodjeli budžetskih sredstava, a u skladu sa odredbama zakona kojim se uređuje izvršavanje Budžeta Kantona Sarajevo za tekuću godinu, kao i listom iz člana 8. stav (2) tačka f) ovog pravilnika.

## Član 10.

## (Ugovor o dodjeli budžetskih sredstava)

Način doznačavanja sredstava, međusobna prava i obaveze i drugi bitni elementi za realizaciju budžetskih sredstava javnom pozivu regulišu se ugovorom između Ministarstva i korisnika sredstava.

## Član 11.

## (Rok za podnošenje prijava)

- (1) Krajnji rok za podnošenje prijava je datum naznačen u javnom pozivu, a što se evidentira uvidom u datum pečata

na prijavi ili u slučaju ličnog dostavljanja u šalter salu protokola Kantona Sarajevo.

- (2) Prijave koje budu dostavljene nakon datuma naznačenog u javnom pozivu, neće biti uzete u razmatranje.

## Član 12.

## (Prigovor)

- (1) Prigovor se podnosi ministrici u roku od tri dana od dana prijema pisane obavijesti.
- (2) O prigovoru odlučuje ministrica, a odluka o prigovoru je konačna.
- (3) Ukoliko ministrica o prigovoru odluči pozitivno, odnosno ako se prigovor usvoji, ministrica donosi posebnu odluku o dodjeli budžetskih sredstava.

## Član 13.

## (Način raspodjele budžetskih sredstava)

Raspodjela budžetskih sredstava vršit će se u skladu sa zakonom kojim se uređuje izvršavanje Budžeta Kantona Sarajevo za tekuću godinu, odlukom o usvajanju Programa utroška sredstava utvrđenih Budžetom Kantona Sarajevo i javnim pozivom.

## Član 14.

## (Način dodjele budžetskih sredstava)

- (1) U okviru obilježavanja "Dječije nedjelje" ministrica na osnovu prijedloga Komisije može donijeti odluku kojom će se dodijeliti sredstva iz Budžeta bez objave javnog poziva:
  - a) udruženjima, fondacijama, ustanovama i drugim pravnim licima koja se bave zaštitom i brigom o djeci i njihovim porodicama, odnosno neprofitnim organizacijama koje su na osnovu posebnog zakona navedeni kao provodioci određene aktivnosti,
  - b) porodicama sa djecom u stanju socijalne potrebe, sa ciljem poboljšanja njihovog socijalnog i drugog statusa.
- (2) U slučajevima iz stava (1) ovog člana kada se sredstva dodjeljuju bez objavljivanja javnog poziva. Ministarstvo je obavezno poštovati minimalne standarde finansiranja i sufinansiranja vezane uz planiranje budžetskih sredstava.

## Član 15.

(Iznos novčanih sredstava za obilježavanje "Dječije nedjelje")

- (1) U Budžetu Kantona Sarajevo na razdjelu Ministarstva, na poziciji NAM 002 - Zaštita porodice sa djecom, planiraju se sredstva za obilježavanje "Dječije nedjelje".
- (2) Sredstva za obilježavanje "Dječije nedjelje" prikupljaju se u skladu sa Uputstvom o načinu uplate prihoda po osnovu "Dječije nedjelje" ("Službene novine Kantona Sarajevo", br. 6/14 i 38/19).
- (3) Raspodjela sredstava za obilježavanje "Dječije nedjelje" se vrši u skladu sa prikupljenim i raspoloživim finansijskim sredstvima na poziciji iz stava (1) ovog člana.

## Član 16.

## (Izvještaj)

Kao dokaz o ostvarenim rezultatima i o namjenskom utrošku sredstava korisnik sredstava dostavlja izvještaj o namjenskom utrošku sredstava najkasnije do 31. januara naredne godine za prethodnu godinu.

## Član 17.

## (Nadzor nad utroškom sredstava)

Nadzor nad utroškom budžetskih sredstava vrši Ministarstvo i Ministarstvo finansija Kantona Sarajevo-

Budžetski inspektorat po zahtjevu Ministarstva ili u okviru svojih redovnih inspeksijskih nadzora.

Član 18.

(Upotreba muškog ili ženskog roda)

Gramatička terminologija korištenja ženskog ili muškog roda u ovom pravilniku podrazumijeva uključivanje oba roda.

Član 19.

(Prestanak važenja ranijeg propisa)

Danom stupanja na snagu ovog pravilnika prestaje da važi Pravilnik o obilježavanju "Dječije nedjelje" u Kantonu Sarajevo ("Službene novine Kantona Sarajevo", br. 1/19, 37/20, 38/21 i 35/22).

Član 20.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 13-05/1-02-39942/24

17. septembra 2024. godine

Sarajevo

Ministrica

Enda Pavić Pečenковиć, s. r.

## GRAD SARAJEVO

### Gradonačelnik

Na osnovu člana 8. stav (1) i člana 27. Odluke o izvršavanju Budžeta Grada Sarajeva za 2024. godinu ("Službene novine Kantona Sarajevo", broj 55/23), a u vezi sa članom 2., 3. i 4. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), gradonačelnica Grada Sarajeva donosi

## ODLUKU

### O ODOBRAVANJU IZDVAJANJA SREDSTAVA IZ TEKUĆE REZERVE BUDŽETA GRADA SARAJEVA ZA 2024. GODINU

#### I

Iz Tekuće rezerve Budžeta Grada Sarajeva za 2024. godinu ("Službene novine Kantona Sarajevo", broj 55/23, 13/24) sa ekonomskog koda 600000 - tekuća rezerva odobrava se izdvajanje sredstava u ukupnom iznosu od **5.000 KM**, na poziciju:

#### Tekući transferi neprofitnim organizacijama:

614300 - UB "Bosnae Zelene beretke" Općine Stari Grad u iznosu 5.000 KM

#### II

Za realizaciju ove Odluke zadužuju se Gradska služba za lokalnu samoupravu.

#### III

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/05-11-6037-2/24

04. septembra 2024. godine

Sarajevo

Gradonačelnica

Grada Sarajeva

Prof. dr. **Benjamina Karić**, s. r.

Na osnovu člana 10. stav (1) i (2) Odluke o izvršavanju Budžeta Grada Sarajeva za 2024. godinu ("Službene novine Kantona Sarajevo", broj 55/23), gradonačelnica Grada Sarajeva donosi

## ODLUKU

### O PRERASPODJELE SREDSTAVA U BUDŽETU GRADA SARAJEVA ZA 2024. GODINU

Član 1.

Odobrava se preraspodjela sredstava u Budžetu Grada Sarajeva za 2024. godinu ("Službene novine Kantona Sarajevo", broj 55/23 i 13/24) u ukupnom iznosu od 45.000,00 KM, kako slijedi:

SA EKONOMSKIH KODOVA			IZVOR 10 BUDŽETSKA SREDSTVA
Potrošačka jedinica	Ekon. kod	OPIS	IZNOS
10010004	6141	Pomoć drugim JLS u BiH	25,000
10010007	6143	Istraživanje i analiza potreba i problema mladih na području Grada Sarajevo - plan djelovanja na mlade	10,000
10010003	6139	Izdaci za PDV	10,000
UKUPNO:			45,000
NA EKONOMSKE KODOVE			
Potrošačka jedinica	Ekon. kod	OPIS	IZNOS
10020010	6143	Primjena Odluke o uslovima i postupku prihvatanja pokroviteljstva Grada Sarajeva	25,000
10010007	6143	Nagrade za ostvarene vrhunske sportske rezultate (klupske)	20,000
UKUPNO:			45,000

Član 2.

Za realizaciju ove odluke zadužuju se Stručna služba za poslove kabineta i poslove Gradske uprave, Gradska služba za obrazovanje, sport, kulturu i mlade, Gradska služba za lokalno poslovanje i Gradska služba za finansije.

Član 3.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/14/1-11-6059-3/24

11. septembra 2024. godine

Sarajevo

Gradonačelnica

Grada Sarajeva

Prof. dr. **Benjamina Karić**, s. r.

Na osnovu člana 78., a u vezi sa članom 79. Statuta Grada Sarajeva ("Službene novine Kantona Sarajevo", broj 7/23) i člana 12. Odluke o izvršavanju Budžeta Grada Sarajeva za 2024. godinu ("Službene novine Kantona Sarajevo", broj 55/23), gradonačelnica Grada Sarajeva donosi

## ODLUKU

### O UNOSU UPLAĆENIH TRANSFERA U BUDŽET GRADA SARAJEVA ZA 2024. GODINU

#### I

Odobrava se unos primljenih kapitalnih transfera u Budžet Grada Sarajeva za 2024. godinu kako slijedi:

Odobrava se unos sredstava (primljeni kapitalni transferi od Federacije Bosne i Hercegovine 742112) u Budžet Grada Sarajeva za 2024. godine u iznosu od 1.400.000 KM, koja su Gradu Sarajevo doznačena od strane Federalnog ministarstva finansija na osnovu potpisanog Ugovora broj 01/06-11-5924-2/24 od 23.08.2024. godine. U skladu sa Odlukom Vlade Federacije broj 1174/24 od 01.08.2024. godine ("Službene novine Federacija BiH", broj 61/24), sredstva će se evidentirati kako slijedi:

Org. jedinica	Naziv gradske službe	Konto prihoda	Konto rashoda	Izvor	Iznos KM
10010006	Gradska služba za urbano planiranje.	742112 Primljeni	8215 Projekat rekonstrukcije.	50	200.000,00